

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/45, 07.06.2021թ.

Բողոք բերող անձ՝ «Աննա Աղաջանյան Հայրապետի» Ա/Ձ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ԳՀԾՁԲ-21/119» գնանշման հարցում

Գնման առարկան՝ Նորք-Մարաշ վարչական շրջանի փաստաթղթերի արխիվացման՝ գիտահետազոտական մշակման ծառայությունների ձեռքբերում

Բողոքի պահանջը՝ պարտավորեցնել չեղյալ համարել «ԵՔ-ԳՀԾՁԲ-21/119» ծածկագրով մրցույթի գնահատող հանձնաժողովի 02.06.2021թ.-ին կայացրած որոշումը, պայմանագիր կնքել «Աննա Աղաջանյան Հայրապետի» Ա/Ձ-ի հետ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Հասցե՝ ք.Երևան, Մելիք-Ադամյան 1

ԱԶ «Աննա Ադաջանյան Հայրապետի»-ից

Հասցե՝ ք.Երևան, Գալշոյան 26, բն.25

Նույնականացման քարտ՝007303019

Սոց. քարտ 7412700251

ՀՎՀՀ 86998548

Էլ. հասցե՝ annaagadjanyan@mail.ru

Պատվիրատու՝ Երևանի քաղաքապետարան; հասցե՝ ք. Երևան, Արգիշտիի 1

Գնման ընթացակարգի ծածկագիրը՝ «ԵԲ-ԳՀԾՁԲ-21/119»; գնման առարկա է հանդիսանում Երևանի քաղաքապետարանի կարիքների համար Երևան քաղաքի Նորք-Մարաշ վարչական շրջանի կարիքների համար փաստաթղթերի արխիվացման՝ գիտահետազոտական մշակման ծառայությունների ձեռքբերումը

Բանկի անվանում և հաշվեհամար, որին բողոքը բավարարվելու դեպքում պետք է հետ փոխանցվի վճարը՝ «Արդշինբանկ»ՓԲԸ; 2470103477290000 հաշվեհամար

Բողոք

Բողոքարկում եմ Երևանի քաղաքապետարանի «ԵԲ-ԳՀԾՁԲ-21/119» ծածկագրով մրցույթի գնահատող հանձնաժողովի 02.06.2021թ-ին կայացրած որոշումը, այն է՝ մերժել իմ կողմից պատվիրատուի՝ Երևանի քաղաքապետարանի էլեկտրոնային փոստին մուտքագրած, իմ էլեկտրոնային ստորագրությամբ վավերացված «ԵԲ-ԳՀԾՁԲ-21/119» ծածկագրով պայմանագրի նախագիծը, պայմանագրի և որակավորման ապահովումները՝ տուժանքի ձևով, կից գրությունը; և պայմանագիր կնքելու առաջարկ ներկայացնել ընթացակարգի հաջորդ տեղ զբաղեցրած մասնակցին՝ «Կորյուն Ժամհարյան Սոսիկի» ԱԶ-ին: Տեղեկացնում եմ, որ որպես «ԵԲ-ԳՀԾՁԲ-21/119» ծածկագրով մրցույթի առաջին տեղը զբաղեցրած մասնակից վերոնշյալ փաստաթղթերը՝ «ԵԲ-ԳՀԾՁԲ-21/119» ծածկագրով պայմանագրի նախագիծը, պայմանագրի և որակավորման ապահովումները՝ տուժանքի ձևով, կից գրությունը ես

սահմանված ժամկետում՝ 21.05.2021թ-ին ներկայացրել եմ պատվիրատուի՝ Երևանի քաղաքապետարանի էլեկտրոնային փոստին (բանալի 2042213), ինչպես նաև armeps համակարգով ընդունել եմ պայմանագրի շնորհումը: Իսկ անձամբ ձեռագիր ստորագրությամբ վերոնշյալ փաստաթղթերը պատվիրատուին՝ Երևանի քաղաքապետարանին չեմ կարողացել ներկայացնել որովհետև ես վարակված եմ կորոնավիրուսով և 04.06.2021թ-ը ներառյալ գտնվում եմ ինքնամեկուսացման մեջ, առկա է ՀՀ առողջապահության նախարարության հստակ հրահանգը՝ առնվազն 14 օր ինքնամեկուսացում՝ վարակը կանխելու նպատակով: Եթե ես այդ ընթացքում Երևանի քաղաքապետարան առձեռն, իմ ձեռագիր ստորագրությամբ ներկայացնեի վերոնշյալ փաստաթղթերը՝ կստացվեի որ ես վարակը տարածում եմ: Տեղեկացնում եմ նաև, որ 01.06.2021թ-ին իմ էլեկտրոնային փոստին եմ ստացել Երևանի քաղաքապետարանի 27.05.2021թ. №61/64187h գրությունը, որին պատասխանել եմ նույն օրը՝ 01.06.2021թ-ին 2 գրություններով, որոնք ևս ներկայացրել եմ պատվիրատուի՝ Երևանի քաղաքապետարանի էլեկտրոնային փոստին (բանալի 2049188) և տեղեկացրել եմ, որ վարակված եմ կորոնավիրուսով ու 04.06.2021թ-ը ներառյալ գտնվում եմ ինքնամեկուսացման մեջ, որի ավարտից հետո՝ 07.06.2021թ-ին կարող եմ իմ ձեռագիր ստորագրությունով ներկայացնել վերոնշյալ փաստաթղթերը: Հետաքրքիր է ինչու՞ 27.05.2021թ-ով թվագրված Երևանի քաղաքապետարանի №61/64187h գրությունը ես իմ էլեկտրոնային փոստին ստացել եմ միայն 01.06.2021թ-ին, իսկ առձեռն մինչև հիմա չեմ ստացել: Այստեղ միտում կա՞, թե՞ ոչ՞: Տեղեկացնում եմ նաև, որ իմ հիվանդության մասին ես «ԵՔ-ԳՀԾԶԲ-21/119» ծածկագրով մրցույթի գնահատող հանձնաժողովի քարտուղարին հեռախոսով բազմիցս տեղեկացրել եմ նաև մինչև 01.06.2021թ-ը: Հեռախոսազանգերի վերձանումը հնարավոր է, ու եթե դրանք ձայնագրվում են Երևանի քաղաքապետարանում՝ շատ ավելի լավ: Տարօրինակ է, որ Երևանի քաղաքապետարանը հաշվի չառնելով իմ կորոնավիրուսով վարակված լինելու հանգամանքը, նույնիսկ իրենց վարակվելու հավանականությունը հաշվի չառնելով՝ որոշում է կայացնում մերժել իմ կողմից էլեկտրոնային տարբերակով ներկայացրած, իմ էլեկտրոնային ստորագրությամբ վավերացված պահանջվող փաստաթղթերը և պայմանագիր կնքելու առաջարկ է ներկայացնում ընթացակարգի հաջորդ տեղ գրադեցրած մասնակցին: Ավելի ճիշտ չէր լինի եթե այդ պահին Երևանի քաղաքապետարանը պահանջվող փաստաթղթերը ընդուներ այդ տարբերակով (իմ էլեկտրոնային ստորագրությամբ), իսկ ընդամենը 2 աշխատանքային օր հետո՝ 07.06.2021թ-ին, ինքնամեկուսացման ավարտից հետո կներկայացնեի արդեն ձեռագիր ստորագրությամբ, նամանավանդ որ կա հարգելի պատճառ՝ հիվանդություն, ես էլ արդեն armeps համակարգով ընդունել էի պայմանագրի շնորհումը: Ու այնպես չէր որ այս գնումը շատ շտապ պետք էր Երևանի քաղաքապետարանին՝ պայմանագրի

կատարման ժամկետ էր սահմանված մինչև սույն թվականի նոյեմբերի վերջը: Իսկ շատ հետաքրքիր է ի՞նչ միջոցներ կկիրառեր իմ նկատմամբ ՀՀ առողջապահության նախարարությունը, եթե ես ինքնամեկուսացման մեջ գտնվելով հանդերձ անձամբ ձեռագիր ստորագրությամբ փաստաթղթեր ներկայացնեի Երևանի քաղաքապետարան:

Տեղեկացնում եմ նաև, որ «ԵՔ-ԳՀԾՁԲ-21/119» ծածկագրով մրցույթի գնահատող հանձնաժողովի 02.06.2021թ-ին կայացրած որոշման(արձանագրություն N°4) մեջ մատնանշված օրենքների կետերի մի մասը տվյալ դրվագի հետ կապ չունի, մի մասն էլ հիմք են հանդիսանում ոչ թե իմ կողմից ներկայացրած փաստաթղթերը մերժելու, այլ ընդունելու համար:

Այսպիսով՝ ես գործել եմ «ԵՔ-ԳՀԾՁԲ-21/119» ծածկագրով մրցույթի հրավերի 9.5.9.6 կետերին համապատասխան, այսինքն ժամկետների մեջ և՛ ստորագրել եմ պահանջվող փաստաթղթերը, և՛ armeps համակարգով ընդունել եմ պայմանագրի շնորհումը: Հիմքեր չկան ինձ հետ պայմանագիր չկնքելու: Հարցը միայն այն է, որ քովիդով վարակված լինելու պատճառով գրավոր ստորագրությամբ չեմ կարողացել ներկայացնել պահանջվող փաստաթղթերը:

Գնումների հետ կապված բողոքներ քննող անձին խնդրում եմ մերժել, չեղյալ համարել «ԵՔ-ԳՀԾՁԲ-21/119» ծածկագրով մրցույթի գնահատող հանձնաժողովի 02.06.2021թ-ին կայացրած որոշումը, պայմանագիրը կնքել ինձ հետ:

Կից ներկայացնում եմ՝

1. «ԵՔ-ԳՀԾՁԲ-21/119» ծածկագրով մրցույթի գնահատող հանձնաժողովի 02.06.2021թ-ին կայացրած որոշումը
2. Երևանի քաղաքապետարանի 27.05.2021թ. N°61/64187ի գրությունը, որն իմ էլեկտրոնային փոստին ստացել եմ միայն 01.06.2021թ-ին, իսկ առձեռն մինչև հիմա չեմ ստացել
3. Երևանի քաղաքապետարանի 27.05.2021թ. N°61/64187ի գրությանը ի պատասխան 01.06.2021թ-ի իմ 2 գրությունները, որոնք ևս ներկայացրել եմ Երևանի քաղաքապետարանի էլեկտրոնային փոստին (բանալի 2049188)
4. բողոքարկման վճարը կատարած լինելը հիմնավորող փաստաթղթի պատճեն
5. իմ նույնականացման քարտի պատճեն
6. բժշկի քաղվածքի պատճեն պատճեն

Աննա Աղաջանյան



07.06.2021թ.